



Broj: 05/2-11/3-2031/25

Velika Kladuša, 08.08.2025. godine

Na osnovu člana 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14 i 49/23) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku i ugradnju kancelarijskog namještaja za potrebe Općine Velika Kladuša, a po preporuci Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača **INTER – COM doo Zenica, sa ponuđenom cijenom od 76.750,00 KM bez PDV-a**, dostavljena Ugovornom organu po JN broj: 299-1-1-52-3-87/25 od 10.07.2025. godine, te se Ugovor o javnoj nabavci roba – nabavka i ugradnja kancelarijskog namještaja za potrebe Općine Velika Kladuša, dodjeljuje imenovanom ponuđaču.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Obrazloženje

Na osnovu Posebne odluke o pokretanju postupka nabavke, broj: 05/2-11/3-2031/25 od 10.07.2025. godine izmijenjen je Plan javnih nabavki Općine Velika Kladuša za 2025. godinu, broj: 05/2-11/3-75-1/25 od 10.01.2025. godine te je istog dana pokrenut otvoreni postupak javne nabavke roba - nabavka i ugradnja kancelarijskog namještaja za potrebe Općine Velika Kladuša.

Javna nabavka provedena je putem otvorenog postupka javne nabavke, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-1-1-52-3-87/25 objavljeno je na Portalu javnih nabavki (ejn.gov.ba), dana 10.07.2025. godine.

Krajnji rok za dostavljanje ponuda bio je 01.08.2025. godine do 12:00 sati, a javno otvaranje ponuda izvršeno je 01.08.2025. godine u 12:15 sati, što je konstatovano Zapisnikom sa otvaranja ponuda od 11.02.2025. godine.

Procijenjena vrijednost nabavke iznosi 83.000,00 KM.

Komisija za javne nabavke u Zapisniku o pregledu i ocjeni ponuda broj: 05/2-11/3-2031/25 od 01.08.2025. godine konstatovala je da je Tendersku dokumentaciju preuzelo 16 (šesnaest) ponuđača, a da je nakon isteka krajnjeg roka za dostavljanje ponuda za nabavku i ugradnju kancelarijskog namještaja za potrebe Općine Velika Kladuša, pristiglo 5 (pet) ponuda od strane ponuđača, i to:

1. **Larix doo Doboj**, sa ponuđenom cijenom od 82.300,00 KM bez PDV-a;
2. **Inter-com doo Zenica**, sa ponuđenom cijenom od 82.940,00 KM bez PDV-a;
3. **Gradiz doo Sarajevo**, sa ponuđenom cijenom od 82.976,00 KM bez PDV-a;
4. **R&S doo Sarajevo**, sa ponuđenom cijenom od 82.911,60 KM bez PDV-a;
5. **Dineco doo Trebinje**, sa ponuđenom cijenom od 82.115,00 KM bez PDV-a;

Nakon izvršenog otvaranja ponuda Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da sve pristigle ponude sadrže svu dokumentaciju traženu TD-om, da iste ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije.

E-aukcija u ovom predmetu zakazana je i održana dana 4.8.2025. godine te je na osnovu Izvještaja o toku i završetku e-aukcije konačna rang lista ponuđača koji su učestovali u e-aukciji sljedeća:

1. **Inter-com doo Zenica**, sa ponuđenom cijenom od 76.750,00 KM bez PDV-a;
2. **R&S doo Sarajevo**, sa ponuđenom cijenom od 76.770,00 KM bez PDV-a;
3. **Larix doo Doboj**, sa ponuđenom cijenom od 77.793,00 KM bez PDV-a;
4. **Dineco doo Trebinje**, sa ponuđenom cijenom od 82.115,00 KM bez PDV-a;
5. **Gradiz doo Sarajevo**, sa ponuđenom cijenom od 82.976,00 KM bez PDV-a;


Shodno naprijed navedenom Komisija je u Izvještaju o radu nakon završetka e - aukcije od 7.8.2025. godine predložila Općinskom načelniku donošenje odluke o izboru ponude ponuđača **Inter – com doo Zenica**, sa ponuđenom cijenom od 76.750,00 KM, bez uračunatog PDV-a, kao najpovoljnije za predmetnu nabavku.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obradivač:
Pomoćnik Općinskog načelnika za finansije,
računovodstvo i javne nabavke

Sebila Dervić-Melkić



DOSTAVITI:

1. Učesnicima u postupku, 5x,
2. Služba za upravu, društvene djelatnosti i zajedničke poslove (web stranica),
3. U spis.